

OBAVJEŠTENJE

Ovim putem obavještavamo sve zainteresovane da je Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde objavilo:

Poništenje ponovnog Javnog oglasa za izbor i imenovanje predsjednika i članova Upravnog odbora JU „Dom za stara i iznemogla lica“ Goražde, objavljenog u dnevnim novinama “Dnevni avaz” dana 26.06.2024. godine i “Službenim novinama FBiH” broj: 50/24 od 03.05.2024. godine, te raspisalo:

PONOVNI JAVNI OGLAS ZA IZBOR I IMENOVANJE PREDSJEDNIKA I ČLANOVA UPRAVNOG ODBORA JU “DOM ZA STARA I IZNEMOGLA LICA” BOSANSKO-PODRINJSKOG KANTONA GORAŽDE

Predmetni javni oglas je objavljen dana 22.10.2024 godine u listu “Dnevni avaz”, na službenoj web. stranici Vlade Bosansko - podrinjskog kantona Goražde: www.bpkg.gov.ba i Oglasnoj ploči BPK Goražde. Oglas ostaje otvoren 14 (četrnaest) dana od dana posljednje objave u Službenim novinama FBiH.

Prijave sa traženom dokumentacijom iz ponovnog Javnog oglasa dostaviti lično ili poštom preporučeno, na sljedeću adresu:

Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, ul. 1. Slavne Višegradske brigade 2a, Goražde.

(Sa naznakom: “PRIJAVA NA PONOVNI JAVNI OGLAS ZA IZBOR I IMENOVANJE PREDSJEDNIKA I ČLANOVA UPRAVNOG ODBORA JU „DOM ZA STARA I IZNEMOGLA LICA“ GORAŽDE- NE OTVARAJ”)

Za sva dodatna pitanja možete se obratiti Ministarstvu na kontakt telefon: 038/243-086.

**MINISTARSTVO ZA SOCIJALNU POLITIKU
ZDRAVSTVO, RASELJENA LICA I IZBJEGLICE
BOSANSKO – PODRINJSKOG KANTONA GORAŽDE**



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 34/03 i 65/13), a u skladu sa članom 13. i 14. Zakona o osnivanju JU „Dom za stara i iznemogla lica“ Goražde („Službene novine Bosansko-podrinjskog kantona Goražde“, broj: 10/97, 8/99 i 2/12) i Kriterijima za imenovanje u upravne odbore ustanova socijalne zaštite na području BPK-a Goražde, broj: 08-04-1096/24 od 26.06.2024. godine te Zaključkom Vlade Bosansko-podrinjskog kantona Goražde, broj: 03-04-1725-2/24 od 08.08.2024. godine Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, **objavljuje:**

PONIŠTENJE PONOVRNOG JAVNOG OGLASA
za izbor i imenovanje predsjednika i članova Upravnog odbora
JU „Dom za stara i iznemogla lica“ Goražde

Poništava se Ponovni Javni oglas za izbor i imenovanje predsjednika i članova Upravnog odbora JU „Dom za stara i iznemogla lica“ Goražde, objavljen u dnevnim novinama „Dnevni avaz“ 26.06.2024. godine, na web.stranici Vlade Bosansko-podrinjskog kantona Goražde www.bpkg.gov.ba te u „Službenim novinama Federacije Bosne i Hercegovine“, broj: 50/24 od 03.07.2024. godine, i raspisuje:

PONOVNI JAVNI OGLAS
za izbor i imenovanje predsjednika i članova Upravnog odbora
JU „Dom za stara i iznemogla lica“ Goražde

Objavljuje se Ponovni Javni oglas za izbor i imenovanje predsjednika i članova Upravnog odbora JU „Dom za stara i iznemogla lica“ Goražde, i to na pozicije:

- tri (3) člana – predstavnika osnivača,
- dva (2) člana – predstavnika zaposlenika ustanove.

Opis pozicije člana upravnog odbora: zajedno sa ostalim članovima i uz konsultacije sa Kantonalnim ministarstvom za socijalnu politiku, zdravstvo, raseljena lica i izbjeglice i osnivačem utvrđuje planove rada i razvoja Doma, godišnje i operativne programe rada, odgovornost direktora Doma za neostvarenje poslovnih rezultata Doma, odlučuje o korištenju sredstava preko iznosa blagajničkog maksimuma do kojeg odlučuje direktor, prigovoru radnika u drugom stepenu, o kupovini i prodaji osnovnih sredstava, o pokretanju inicijative za razrješenje direktora dostavlja Vladi Kantona, donosi Pravila Doma i druga opšta akta uz prethodnu saglasnost Ministarstva, godišnje i operativne program rada i finansijski plan, usvaja izvještaje o radu Doma, imenuje i razrješava direktora uz saglasnost osnivača i druge poslove u skladu sa Zakonom o osnivanju JU „Dom za stara i iznemogla lica“ Goražde („Službene novine Bosansko - podrinjskog kantona Goražde“, broj: 10/97, 8/99 i 2/12), propisima o ustanovama, te drugim zakonima, podzakonskim propisima i opštim aktima koji regulišu ovu oblast.

Upravni odbor Doma za stara i iznemogla lica imenuje Vlada BPK Goražde, na prijedlog Ministra za socijalnu politiku, zdravstvo, raseljena lica i izbjeglice BPK Goražde, na mandatni period od četiri (4) godine.

Kandidati koji se kandiduju za navedene pozicije dužni su ispunjavati sljedeće **opće uslove:**

1. da su stariji od 18 godina,
2. da su državljanin Bosne i Hercegovine,
3. da nisu otpušteni iz državne službe kao rezultat disciplinske mjere na bilo kom nivou u Bosni i Hercegovini (bilo na nivou države ili entiteta) u period od tri (3) godine prije dana objavljivanja upražnjene pozicije
4. da se na kandidate ne odnosi član IX.1. Ustava Bosne i Hercegovine – da nije pod optužnicom Međunarodnog tribunala za bivšu Jugoslaviju,
5. da nisu osuđivani za krivično djelo
6. da nisu na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
7. da nisu u sukobu interesa u smislu Zakona o sukobu interesa u institucijama vlasti Bosne i Hercegovine i Zakona o sukobu interesa u organima vlasti Federacije Bosne i Hercegovine,
8. da nisu direktori ustanove socijalne zaštite, odnosno Doma,
9. da nemaju privatni-finansijski interes u Domu u čiji se upravni odbor kandiduje i
10. da nisu član upravnog odbora u više od jedne ustanove socijalne zaštite, odnosno Doma.

Pored navedenih opštih uslova, Kandidati koji se kandiduju za navedene pozicije dužni su ispunjavati sljedeće **posebne uslove**:

1. da imaju VŠS, VI stepen stručne spreme društvenog ili humanističkog smjera, odnosno VII stepen stručne spreme, dokaz o završenom visokom obrazovanju, odnosno prvog, drugog ili trećeg ciklusa Bolonjskog sistema studiranja, društvenog/humanističkog ili zdravstvenog smjera. Izuzetno, ukoliko se vrši kandidiranje ispred zaposlenika ustanove socijalne zaštite, kandidati mogu imati i završen IV stepen stručne spreme,
2. da imaju najmanje 1 (jednu) godinu radnog iskustva nakon sticanja tražene stručne spreme i
3. da imaju stručno znanje iz djelatnosti ustanove socijalne zaštite te da su upućeni u sadržaj i način njenog rada.

Prijavlivanje se vrši putem prijavnog obrasca koji se može preuzeti sa internet stranice Vlade Bosansko-podrinjskog kantona Goražde: www.bpkg.gov.ba kao i Obrazac izjave.

Uz prijavni obrazac, kandidati trebaju priložiti:

1. Biografiju,
2. Izvod iz matične knjige rođenih (original ili ovjerena fotokopija ne starija od šest mjeseci),
3. Uvjerenje o državljanstvu (original ili ovjerena fotokopija ne starija od šest mjeseci),
4. Dokaz o završenoj školskoj spremi (ovjerena fotokopija diplome ne starija od šest mjeseci),
5. Potvrdu/uvjerenje o radnom iskustvu u struci (original ili ovjerena fotokopija ne starija od šest mjeseci),
6. Uvjerenje da se protiv lica ne vodi krivični postupak, ne starije od tri mjeseca (Općinski sud),
7. Svojeručno potpisanu i ovjerenu izjavu od strane nadležne gradske/općinske službe kojom kandidat potvrđuje sljedeće:
 - da nije otpušten iz državne službe kao rezultat disciplinske mjere na bilo kom nivou u Bosni i Hercegovini (bilo na nivou države ili entiteta) u period od tri (3) godine prije dana objavljivanja upražnjene pozicije,
 - da se na njega ne odnosi član IX.1. Ustava Bosne i Hercegovine – da nije pod optužnicom Međunarodnog tribunala za bivšu Jugoslaviju,
 - da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
 - da nije u sukobu interesa u smislu Zakona o sukobu interesa u institucijama vlasti Bosne i Hercegovine i Zakona o sukobu interesa u organima vlasti Federacije Bosne i Hercegovine,
 - da nije direktor ustanove socijalne zaštite, odnosno Doma,
 - da nema privatni-finansijski interes u Domu u čiji se upravni odbor kandiduje,
 - da nije član upravnog odbora u više od jedne ustanove socijalne zaštite, odnosno Doma,
 - da ima stručno znanje iz djelatnosti ustanove socijalne zaštite te da je upućen u sadržaj i način njenog rada.

Ponovni Javni oglas biće objavljen u dnevnom listu „Dnevni avaz“, na službenoj web.stranici Vlade BPK-a Goražde: www.bpkg.gov.ba i Oglasnoj ploči BPK-a Goražde. Oglas ostaje otvoren 14 /četnaest/ dana od dana posljednjeg javnog objavljivanja u Službenim novinama FBiH.

Prijave sa traženom dokumentacijom se dostavljaju lično ili poštom preporučeno, na adresu:

Ministarstvo za socijalnu politiku, zdravstvo, raseljena lica i izbjeglice BPK Goražde, ul. 1. Slavne Višegradske brigade 2a. Goražde, sa naznakom:

„Prijava na Ponovni Javni oglas za izbor i imenovanje predsjednika i članova Upravnog odbora JU „Dom za stara i iznemogla lica“ Goražde- NE OTVARAJ“.

Nepotpune i neblagovremene prijave neće se uzimati u razmatranje. Dokumentacija dostavljena na Javni oglas se ne vraća.

Sve dodatne informacije možete dobiti na službenoj web.stranici Vlade BPK-a Goražde: www.bpkg.gov.ba, Oglasnoj ploči BPK-a Goražde ili direktno na kontakt telefon: 038/243-086.

**Ministarstvo za socijalnu politiku, zdravstvo,
raseljena lica i izbjeglice BPK-a Goražde**

